

新脩麻陽縣志 第 函

新脩麻陽縣志

卷一

四

讀楊忠愍集書後

明太僕寺正卿

滿朝薦

邑人

椒山公捐軀於嘉靖乙卯距今萬厯戊申越五十四載予垂髫得諸師友傳聞即知壯其志而偉其節私心向往之乙酉來予上公車凡七取道定興道左有椒山碑每至停車注涕低徊不忍去恍然見其爲人讀國朝疏議至停馬市効奸相二疏灑灑數千言淋淋一腔血未嘗不痛於讒諂蔽明致方正不容竟以身殉也予乙巳令咸寧以庇民忤璫被誣削去秩尋賜還後又稍翦其羽翼璫益脩怨以蜚語被逮淹囹

園癸亥月之念七夜予夢緩步園門一人從外入冠服俱赭手持數文冊授予既覺無從訊占夢者乃自占之意或獄吏攜子弟文託品題耳是日亭午聞者傳秦中以書來問啟其緘則邠州蔣守寄予八行而椒山全集與焉方他閑未暇披帙夜就寢若人復入夢相揖問姓名則云吾楊椒山也把衣並坐歡然道生平忽去又攜長鎗來立談良久晨起披公集集首有公像卽夢所授予文者予衷戚然動悽愴者久之鬼耶人耶幻耶真耶果不待存存不因亡亡者耶胡

爲惠顧楚囚再三隨揭二疏重誦而深維之所論馬
市十不可五謬質之今日非言官著蔡乎卽起賈太
傅策治安未見軒輊也所劾嵩賊十罪五奸盡發其
竊弄太阿非千古僉王供案乎卽列之唐子方昂首
詈論可與頡頏焉讀公年譜益想見其爲人其矢志
報主不畏強禦授杖而却虵蛇膽云椒山自有膽豈
有怕撻楊椒山者奸黨屏絕醫藥創甚自操刀剜腐
肉破其血臨刑尙從容吟云浩氣還大虛留作忠魂
補至今誦遺言懍懍如有生氣此非具鐵石心腸松

筠勁節者不及此卽古所稱龍干李范輩抗節致命
不加焉當時若嵩若鸞威勢較轆何啻朝露鸞則驟
赤其族矣嵩子世蕃旋棄市嵩寄食於人竟以饑斃
而趨羶仰沫若胡植鄢懋卿輩俱失勢公沒幾何忠
愍勒不朽矣廟食且奕世矣令嗣席廕此又何負於
公哉我朝養士十數代前有方正學于謙薛瑄王守
仁李東陽諸名臣後復有公真足砥柱頽波公砥礪
一生樹爲名節敷爲彝訓真足型範來禩予不肖其
忤世沉淪所遭頗與公同不虞公之冥授予以文也

乃予之續騷浪吟亦欲質於公公或者許我償作忠
魂補乎所願從公以遊倘庇予而貸以不死則願奉
公遺志以從事於世也以故不恥鄙薄綴言於二三
君子之後

古子之墓

公孫氏以封事休封也以防不源福壽無言分二
其後平叔封封公孫氏封封封封封封封封封封封
封封封封封封封封封封封封封封封封封封封封
封封封封封封封封封封封封封封封封封封封封

代父疏

明生員 滿能施

奏爲勞罪迹不相蒙君親情無所解孺慕至窮至迫
號天請豁請代事臣父滿朝薦受陛下陶鑄登甲辰
榜進士本年冬授陝西咸寧縣知縣乙巳冬權使以
誹謗語進旋降旋復丁未歲權使再以誹謗進檻下
北鎮撫司獄歲且五易焉禮不敢齒君之馬臣父不
能屈節於權使誠有罪已市虎成於三人慈杼投於
三至自昔固然陛下不卽賜錮鏹而大之幽室亦諒
臣父亦誠聊懲其戇但惠蘇三秦禍延一吏王道清

明似不如此三年撫字六載沉憂王道蕩蕩似不如
此蕭蕭孤賢淹淹九閭王道甄別似不如此父老赴
愬不信縉紳清議不信告病陳情司寇一字一血視
若罔聞臣父鐵石也則可臣父而非鐵石也忍令畢
世無見天之日乎臣祖父滿廷素祖母鄭氏年俱越
八旬景逼西山舐犢悲深倚門目斷且愁且病如燭
當風臣曩自秦承父之叮嚀歸侍於祖而祖不得安
臣今自里承祖之叮嚀赴問於父而父不可見羊敬
其乳鴉還其哺豈異臣也臣看天靡路籲日無光

太倉令以忤法當刑緹縈詣闕請豁彼閨質也臣則
男子矣原縣令以吏誣擬刑吉玠詣闕請代彼年十
五也臣亦十五矣彼所遇中主耳

尙俯從所請況臣躬逢堯舜之君乎陛下倘許推其
事聖母者俾臣得以事父疏一網而縱之使臣父得
歸侍於垂白之祖父母前臣亦得遂緹縈吉玠之請
則陛下平明之治超出隆古萬萬矣爲此不避斧鉞
湯鑊以聞

平苗議上督師楊嗣昌閣部

康熙邑庠

田英產

古今譚邊事者莫不欲安壤效籌而三楚邊城惟麻
爲極其疊受尙苗之患以矣籌邊君子竟無以安長
治之猷何歟蓋苗之種類乃槃瓠遺孽其巢穴卽古
之崇山居楚蜀黔三省之中東接楚之五寨長官司
北接楚之永保二宣慰司南接黔之銅仁府及平烏
二長官司西接蜀之酉陽宣撫司及平查長官司然
於酉陽姻嫁相通其初隸於楚之算子司團爲四十
八寨始猶賦役不缺後漸梗化橫行抗拒勾攝陰相

煽動出劫地方而麻瀘二縣皆頻遭出沒劫殺無休
苗劫而民外奔農桑曠業民奔而戶內減賦役無期
此麻陽以國初三十九里全設之區因田地拋荒移
推六衛領種而編爲七里有由也宣德年之亂蕭總
兵征之直搗其巢兵屯池河撲滅幾盡卒乃寬其山
林逖匿者設立崇山衛以戍之迨後疆域稍安而衛
遂撤苗漸驕恣矣景泰己亥年之亂焚燬縣治延及
學宮成化十六年之亂再燬縣治虐焰彌張迄宏治
後橫行州縣各地方昔太公有云熒熒不救炎炎奈

何此之謂也正德七年之亂奉三道憲令協同本府
戴撫出苗首百餘禁之崇正書院然後深入攻其餘
黨雖頗有數十年之安惜當時任事巨卿去留未定
竟未能成平底績此本縣所以復有嘉靖二十年攻
城三日之患也頻年議征議撫俱無定算調取漢土
官兵防守迄無成功二十七年以地方失事叅論官
員隨奉旨勅兵部左侍郎兼都察院副御史張總督
湖川貴軍務駐劄沅州居中調度酌處兵糧先頒撫
諭之條後布剿除之令奈何邊方當事各職以地方

安靖沽名輒曰湖苗聽撫虛文誑上豈知陽稱聽撫
陰實助黨貴苗出劫然苗原不分湖貴特以苗長食
糧湖貴各哨因以別其名二十八年陸續殘害銅仁
府及思州府地方二十九年攻陷印江縣石阡府並
省溪司擄官奪印刦庫縱囚而征剿大舉之命下矣
於是督令沈總兵征之三省夾攻楚兵入麻陽縣五
寨司黔兵入自銅仁府蜀兵入自地駕臘爾山同日
並進於本年九月初三日僅四月餘十日已擒斬一
半其逃匿山菁餘兇不過蕨食草根度命更值連旬

冰雪多凍餓身死卽有穿山走脫竄入土司衙門數
亦不多正蕩平一大機括也孰意總督大臣以半撫
爲請次年正月十四日旋即班師將一應生擒放歸
巢穴諭令聽撫設叅將二員分鎮兩省一駐銅仁府
一駐麻陽縣置哨堡十三星列防守領以督備統以
叅戎限以邊牆若謂工於籌畫豈知竄入土司餘孽
聞生擒已縱遂窺朝廷姑息之仁相率還巢告乞招
撫上官亦未深思遠計而概納之嗚呼鴟梟不鳴終
非祥也豺狼不噬終非仁也未及半年攻陷思州府